

# РУСКИ НОВИНИ



ЗА РУСИНОХ У КРАЛЪОВИНИ СХС

Рок IV.

Нови Сад, штварток 5. мая 1927.

Ч. 18 (125)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба  
посилац на адресу:

„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

## Спознајме сами себе.

Наша народна свідомост не шме буц узка, не шме ше затримац лем при нас самих, цо живеме у Югославиї, але розшириц ше муши на цали руски народ, цо жив на швецце. Наша руска свідомост будзе лем теди подполна, кед ше вона розцагне на цалу руску нацију. А зато найперше потребно упознац самих себе. Як вельки наш народ, кельо його, ест и дзе жив.

Руского народу ест нешка вецей як 40 милиони и так ми по числу штварта нация у Европи. (Перши су Немци, вец Москале — Велькоруси па Французи). Дакле ми припадаме гу найвекшим културним народом. И кед би нешка мали свою власну, самостойну державу, теди би вшадзи, були на предку, як цо су тераз Французи, Немци и Английци. Але на превельки жаль ми нешка своєї держави не маме и зато ше з нами слабо рахуе и мало ше за нас гутори. А чом ми Русини, гоч зме така велька нация, самостойней держави не маме, о тим би вельо гуториц и писац, а то не цель моєї статі. Я сцем за тераз лем подац читательом „Р. Н.“, як и дзе в руски народ розшелени, дзе вон и як жив.

Найвекша часц руского народу жив у юговосточней Европи, од горох Карпатох до Чарного Моря и до горох Кавказ цо е на меді Европи и Азиї. Там оцовщина рускей нациї, бо там руски народ жив од кеди постал и од кеди го исторія позна. Тота наша домовина е велька коло 800.000 км<sup>2</sup>, по найвечей ровна и барз богата и родна, волаю ю „гамбар Европи.“ То руска етнографска територія, на ко-

трей наш народ жив у велькей векшини 80 до 90%.

На тей етнографскей рускей території ест коло 38 милиони Русиных и вони тераз подзелени медзи штири держави. Найвекша част припада большевиком, коло 30 милиони. Московско-жидовски большевики основали там и окрему руску (українску) большевицку републику зос главным местом Харков, але тота република не права самостойна, руска народна держава. Вона у шицким одвисна од большевикох у Москви, и московски большевики газдуо у ней як сами сцу. (Тераз на приклад Русиных на силу виселюю до Сибириї а на їх место населюю Жидох и сцу у шерцу рускей жеми створиц окрему жидовску большевицку републику!)

Розуми ше, же у тей рускей большевицкей републики нема руски народ ніякого права ані шведоди, лем муши церпиц и цихо буц, а жидзи паную и набиваю кишені. Окреме вельо муши там вицерпиц християнска вира бо большевики ніякей вири не признаваю.

Другу вельку часц нашеш оцовщини (рускей националней території) забрали на силу Поляки (у тим їх помогли Французи). Под Польску ше нешка находзи коло 7 милиони руского народу (Галичина, Волинь). Там муша Русини водзиц чешку борбу з Поляками, бо Поляки, гоч тримаю себе за вельких католикох, страшно вшадзи наш народ прицискаю, сцу го витребиц и зпольциц. Але там руски народ просвищени, ма моцну националну свідомост и добре ше трима. У тей народней самообрани водза предок нашо грекократ. свя-

щенници и друга интеллигенция.

Пол милиона нашого народа находзи ше у чехословацкей держава. То так звана „Горніца“, лебо як ше тераз службено вола Подкарпатска Русь. Вона би мала по закону мац свою автономію, то значи ма право, да сама зос собу управа, але Чехи не сцу того допуциц и у задне време почали робити на тим, же да Горніцу претворя на чешку жем Русиных вшадзи вицискую, шицко беру до своїх рукох и преврацаю на чешке, а руских народолобцох преганяю. Але и там ше уж руски народ пребудзел и пита и брані своєю народни права. Отамаль, як знаме, доселели нашо стари у Бачку.

Так исто вецей як пол милиона Русиных трапи ше нешка под румуньску державу, у Буковини и Бесарабиї. Румуни су народ малокултурни и заостати и з нашим народом немилосердно поступаю. Не даю Русином ніякого народного права, такой би їх

сцели преврациц на Румунох. Але далеко їм до того.

Надалей коло еден милион Русиных ест у Америки и Канади и там ше барз крашне розвиваю бо Американци даю каждей нациї шлебоду. Лем у заднім часу появили ше медзи нїма кояки верски борби, пришли пгавославни агитаторе, розбиваю народну злогу и тим робя вельо чкоди.

Далеко на краю Сибириї коло япанского царства на так званим „Желеним клину“ ест тиж вельо Русиных доселених зос України Лем и над нїма владаю большевики.

То ето руски народ и так вон населени. И ми у нашей рускей народней свідомости мушиме на то вше паметац, же зме велька нация. Тота свідомост пода нам югословяским Русином сили, волі и шмелосци у нашим змаганю за лепшим националним и културним животом. По тей свідомости постанеме прави Русини, достойни члени рускей нациї.

Мих. Ф—ак.

## У нашом отечеству

Политическе положеніе.

Радикали ше дзеля на три групи: на центрум (Узунович Б. Массимович и Сршкич), на Пашичевцох (М. Трифкович) и на Йовановичевцох (В. Вукичевич). Од центрумашох ше находзи у влади лем Сршкич. Вон у своїх новиных цо виходза у Сараеву захтева, же би до влади ступели и Максимович и Узунович. Дабоме, же би у тим случаю демократи мушели прелїгнуц цалу оптужбу против Максимовича, або ше подзелїи. Политически круги ше согласую у тим, же влада не може ступиц пред парламент, па прето ше вона трудзи о тим, да достане виборни мандат. Други су мнїнія, же за председателя влади ма прийсц

Лю. Йванович, котри познати воз свою честитосцу.

Пошведене епископа Будановича.

В недзелю одбуло ше торжествене пошведене на епископа бачкого римокат. владичества О. Лайча Будановича, дотеразнього апост. администратора у Суботици. При тим чинодійствію участвовац и наш преосвящ. Владика Дионизий зос капоником преч. О. Надьом, О. Мих. Мудрим и О. А. Абодичом.

Партийна агитация.

Прешлей недзелі отримал С. Прибичевич вецей партийних зборох по Бачкей, а радикали у Сербїи.

## Кирвави перши май.

Гоч у нашей держави преславени иншак перши май у миру, ипак при даповедних соціялистох бул и кирвави. Так у Новим Саду надничар Каролі так славел тоту соціялистичку преславу, же пришол дому и зос шекеру свою жену покалчел. Сушедзи ледва одняли бидну жену, а полиція Кароліа заварла, да „слави“ и далей.

## Запалели себе хижи.

У валалє Торда у Банату згорели хижи двох братох Рози нараз, гоч були далеко една од другой. Хижи були осигурани и постой сумня, же вони сами то зробели, да приду до пенезох Жандармерія вигледув, хто наисце виновати.

## Вельки вашар у Загребу.

Тих дньох отворени вельки ярни вашар. На нїм у главним виставени автомобили, газдовски наймодернейши машини и радиоапарати Надалей интересантна так звана калорична вистава т. й. на яки способ

може человек вихасновац целоту на вшеліяки ци і Препоручуеме нашим земледілцем най вашар опатра.

## Влапени шпиюни.

У Загребу влапела полиція 5 озоби за котрих ше дума, же шпиюнирвали у нашей держави.

## Нашо офисире у Турскей.

У послидни часи отпутовали даскелі нашо офисире до Турскей. Едни новини пишу, же причина томе ест у тим, да ушоря вопрос турских масткох при нас, а други заш думаю, же вони маю окончиц воену задачу, чи би ше не могол зробиц даяки военски союз зос Турску.

## Дзецко спадло до вапну.

У Београду по якимш нещесцу спадла 4 рочна дзвочка Дюри Братковича до вапну. Дзецко ше на тельо попекло, же у страшних мукох умарло.

Др. Я. КАЛАЙ:

## При македонских греко-католикох.

Дозвольце ми, пане редактор, да у наших Руских Новинок напишем даскельо слова з найдальших странах нашей епархії. Дня 8. того мешаца рушили зме ше о 1. годзини по поладню зос Загребу. Други дзень рано о 6. годзини були зме у Београду. Дораз о 7.40 пшли зме далей. О полноци того дня пришли зме до Скопља. Там зме у манастире Отцох Исусовцох преноцовали. Зачудовало нас, кед зме видзе-

ли, яки ту тарговци вредни. О полноци ише були дутяни потверени и провадзела ше жива тарговина. Рано зме одслужели Службу Богу и пошли зме по тим старим месту, котре наполните зос найстаршими памятниками. Скопле було познате уж за Римских часох. Там цар Юстиніян збудовал прекрасни палати и водоводи, од котрих ше до нешка видза остатки. Шицки стари памятники маю латински надписи;

зос греческими надписами дотераз не нашли ту памятничох. То знак, же ту не сягала власц греческа.

У Скопљу цар Душан преглашел свой законик и ту бул окоруновани. Ест ту една стара церква, котру би мал збудовац ише цар Душан.

Скопле нешка ма коло 80.000 жителейох. З дня на дзень ше лепше дзвига, буду ю ше нови зданія.

О першей годзини по поладню рушили зме ше далей до Струмици. Коло 5. годзини сцигли зме на штацію Струмицку. Од штації до самого места ише требало исц автомобилом 42 километри. През 2 годзини вожел нас автомобиль през високи гори и глібоки долини. Уж прешла седма годзина вечар, кед зме сцигнули до Струмици. Ту нас нацо вирніци радостно привитали зос своїма духовними отцами — Ф. Ивановичем и Пецовичем. Преосвящени владика окончел кратки Молебен и сказал першу науку. Церква була пренаполнета з вирниками. Мацери зос дзеци на рукох. Нзобични за нас бул то призор, док едни вирніки шпивали „Господи помилуй“, мали дзеци плакали и кричали. На розум нам приходзели слова Святого Писма: „Всяков диханіє да хвалить Господа,“ и други слова: „Изъ усть младенецъ иссущихъ совершеть вси хвалу“ — „зос устох дзедох и тих, котри ише цицкаю приправел ши себе, о Боже, славу.“ Уж була ноц, кед зме охабелі церкву и пошли на одпочинок, да набереме сили за роботу ютрашнього дня.

В недзелю од шестей до дзевятей годзини споведали зме вирнікох наших, а домашні парох служел утриню. Ту зме видзели вшеліяки обичаї, яких у нас уж нет. Кед покорнік приходзи на споведз, роби три вельки поклони з главом до жеми пред Господом Исусом

Христом у найсвятійшей Евхаристіи, а затим еден поклон и пред священіком як намистничком Христа Царя. По споведзи кажди ше крашне поклони пред священіком.

За часох Турских народ ту бул духовно барз запушени. И тераз ише барз мало знаю. Ритки су таки, котри знаю читац. Але добра воля у нїх тварда. Вони знаю, же вони католиками, Любя Бога и служа Му, як найлепше знаю.

О дзевятей годзини започала ше Архїерейска Служба Божа. Преосвящени заш наказовали о святей споведзи. На концу Служби Божей Преосвящени пороздавали шицким „анафору“, то ест благословени хлеб, котри остал на проскомидіи од принесених хлебох за Службу Богу.

Ише ест ту еден обичай, якого у нас нет:

Кед мац приступа до святого Причастія, приноси и свойо мале дзецко, да и воно приме Тіло и Крев Христову. Тот обичай походзи з перших викох християнства. Познейше тот обичай престал на западу, а дотераз ше зачувал у дзекотрих крайох на Востоку, як на приклад ту, и у святей жеми. Мали дзеци примаю святу причасц лем под сподобієм вина. Свята церква дозволює, да ше тот обичай и надалей трима на Востоку.

По Служби Божей пошли зме нашивиц коменданта места. Ту ест наших катонацох зос разних странах. На жаль не нашли зме коменданта места дома, па зме не могли ані з катонацми бешедовац. Сцели зме їх и висповедац, але и то не мож було.

По поладню под Вечурню споведали зме далей аж до вечара, а писатељ тих шорох три мал другу науку о святим причастію.

Пондзелок рано на Служби Божей причащали ше тоті, котри ше вечар споведали.

## ФЕЛЬТОН

### Церньови венец.\*

Було то у часу, кед слунко найсильнїйше припекало ерусалимске каменє. Страшна пекота поуганяла шицко, цо жило, до хижох; место випатрело як вимарте. И до самого храму лем мало хто уходзел. Священники и левити, котри мушили буц боси при вильнованю своей служби, оштро пребеговали по конгох бо марамор на тельо розограти бул, же аж пекол ноги.

Аж кед огняне слунко почало заходзиц, оживел народ. Водне дримали шицки по хижох, а у змерку виходзели на ровни кров своих хижох, же би ше до сита надихали швижого воздуха ноци.

Ноци були цми, бо бул нови мешачок. Вон бул у-

\* Зос Українського.

ски як шерп и плівал помедзи гвизди, котри розсипали свою красу по цалим небе. Дул легки витрик. Воздух бул преполни з оштрим запахом квица Шицка природа дримала, як мац над своїм чадом.

Настред тей таїнственей и горуцей цихи, лежал на ровним крову едней хижі еден хори человек, котри мал попри болю цела и чежку борбу духовну. Док тирвала пекота дня випатрал цалком змучени од хороти, але накеди ше змеркло на тельо ожил вше, же могол далей водзиц духовну борбу, цо го баржей мучела як шицки болі цела.

То бул священник Йона, син Єлиазеров з дому Аронного. Не бул вон вше хори. През вельо роки вон щешліви и здрави вершел свою службу у храму и научовал веліх, цо го уважно слухали. Кед ше врацал

дому, радосно го привитовали мили гласи його двоих синых и жени му Сари; то були щешліви дні. Але шицко ше пременело с тим дньом, кед го принесли дому як мертвого, бо му главу слунко запекло.

Длуго сумніввали, чи видзе зос тей хороти. Гоч ше як трудзели коло нього, же би му ше здравле цалком наврацело, вон бул цалком як зламани.

Глава му гу тому ослабла, же не шмел вельо думац. Накеди би главу дакус напружал (моцовал), не могол ше през даскельо дні ані зос посцелі дзвигнуц. Хорота го на тельо доведла, же у штерацетим своїм року випатрал як даяки слаби старец.

Верна його Сара була вше коло нього и вислуговала му на кельо лем могла. А вон патраци на ню як зблядла и як капе и же уж за його живота гдо-

вица, а вон слаби та ей не може помогнуц — жадал себе шмерц, же би ей не бул лем на терху. Думал, же би за нього лепше було умрець як неперестано у мукох жиц.

Лем едно му вибивало тоту думу зос глави о шмерци. А то бул глас о якогаш пророка и учителя, цо ше появел потим як вон захорел. Приповедали людзе, же ше появел у храму человек, котри роби незвичайни діла, а еше важнїйши його бешеди. Торжественно приповеда и доказує, же то вон тот цо го очекую — Спаситель Израїлу, Месия. Правда, же то, цо му приповедали його приятеле, а то були сами кнїжніки и фарисее, о чудотворцу, бо вони го не церпели прето, бо их знал часто ганіц. Але заш — Никодим и Йосиф з Ариматеї, котри исто припадали гу високей ради (совиту),

Пондзелок по поладню ви-споведали зме школски дзеци. Було їх преко сто.

У Струмици находзи ше VI-класова гимназія. На гимназиі ест 20 наших ученікох, а у о-сновних школах коло 100.

Вовторок зме нащивели на-шу парохію у Радову, а стреду у Новой-Малой. Чешко описо-вац шицки потреби тих добрих наших вирнікох. Кед би нашо людзе видзели, дзе ше ту слу-жи Служба Божа, я прешведчени же би і найхудобнейши допри-несол свой дарунок, да припо-може братом своїм. Питаце ше, цо ім найнужнейше? Шицко потребу. Але найнужнейше ім за Службу Богу тото:

Штири нашо парохіи потре-бую каждая вельки Литургион, да могу голем достойно окон-човац Службу Богу. У войни преладли ім шицки церковни кнїжки. Тераз служа Службу Богу з малих подраних кнї-жочкох. Не будзем окреме на-поминац, же би вони потребо-вали Евангелію, Апостол, Тріод, Октоих, Часослов и други цер-ковни кнїжки. Нешка тоті кнїж-

ки барз вельо коштаю. Але му-шине ище едно напомуц, цо би легко могли читателе Рус-ких Новинок и подаровац тим парохіюм, а то су:

По єдни голем ризи пре каж-ду парохію гоч и не буду нови.

По єден пар крижох, да ше людзе могу рушица на процесію зос крижами.

Кед ше найдзе давна добра душа, котра би сцела и могла даровац даяку ствар, най ше запита преко парохіяльного уря-ду Преосвященного владику, ке-льо коштує поведина ствар.

Читателє! Паметайме на сло-ва Божи: „Рука даюцого не оскудѣть.“ Кому Бог вецей да-ровал, най тот человек вецей твори добри діла. По ділох ми-лосердія будземе судзени, як ше чита у Евангеліи на нед-зелю Мясопустну.

Живе лем тота парохія пра-вим Христовим духом, котра твори вельо діла милосердія. Прето ище раз гварим: жер-твуйце, хто цо може.

(Далєй будзе).

## Газдовство

### Жемни бактеріи.

Културне вигледоване пренашло, же за добри у-рожай не досц, да жем будзе цо баржей погноєна, але треба, да ше у такей жеми находза и бактеріи, котри растению помагаю у храненію Збачело ше, же барз глібоко зорана жем меней плоду принесе, як плітше орана. То походзи отамац, же у глібоко о-раней жеми бактеріи глі-боко ше заору и вони не могу буц на хасен расте-нію. Природа уредзена так,

же у нєй живина жиє од растения, а растения хра-ні ше од живини. Так и тоті невидими створеня, котри воламе бактеріи, жию од растения, як го и хра-ня. На приклад бактеріи у-дихую воздух (нитроген и оксиген), а видихую карбон-диоксид (углену квашніну). Растение удихує тот кар-бондиоксид, затрима угле, а оксиген видиха. Видзице ра-стение и бактеріи так по-магаю єдно другому. Уче-няци дакле почали розду-мовац на тим, як да ми по-

зошицким иньшак гуторя о Иусу з Назарету.

Од того часу настала то-та зоднукашня борба у ду-ши того слабого и огор-ченого человека; а тота бор-ба тирвала до тераз. Кельо-раз му його зоднукашні добри глас гуторел. „То тот очековани Месия, идз гу ньому и поклонь ше му!“ Але исти тот час зли глас одгварел: „Не зроб то нізач, вон не правдиви Ме-сия! Месия ше не так ма явиц. Вон ма обновіц цар-ство Соломоново!“ Так ше борели у Йонової души вира зос невирийом, як чамец зос морским ладя-ми. Ніяк не могол найсц себе покоя.

Же би могол остац спо-койни, одганял од себе каждую думку о Иусу з На-зарета. Забранел Йосифови з Ариматеї споминац сво-його приятеля, котри ро-бел чуда. А кед пришол час, же жадал видзиц и

пойсц до того пророка — уж було нескоро!

Правда, же його хижка була далеко од драги, по котрей Иуса ведли овин-чаного зос черньовим вен-цом на место шмерци. Зато Йона чул добре лярму и лаце неприятельох про-рока, котри на таки способ провадзели свойого Месию на Голгофту. Вон теди за-тикал уха и лежал як мертви.

О три дні прибег до ньго Йосиф з Ариматеї, шицок ше тресол як риба, але зато ше му твар бліщела и вон явел Йонови воскресе-ние Иуса з Назарета.

Чи розпяти справди вос-крес!? У таким случаю вон лепши од Месії, котрого очекує Израїль! Теди би вон бул.... Йони ше на таку думку сцаговало гарло и сперало му диханє. Або Иус врачар, котри ма у себе нечистого духа? А його ученіки дургове и

векшама число таких жем-них бактеріох. Труд им на-градзени зос успехом. То-ти бактеріи вони нешка знаю уж ховац и распоси-лац газдом, же би вони зос тима бактеріями своєю жем цо баржей обогацели. Тоті бактеріи ученяци на-

звали „Азоформ“.

Жем погноєна зос азо-формом по искуству вецей газдох да красни урожай у квалитету и квантитету.

Преподавал у Р. Керестурским Клубу Земледілох  
ЯНКО НАДЬ.

## ШИРОМ ШВЕТА

### Австрийски вибе-ранки.

Прешлого тижня одбули ше за австрийски парламент дер-жавни виберанки. А ні єдна партія не достала таку векшину же би сама могла владац. Хри-стиански социялисти зос немец-ку партию (дотеразшня влада) достала 94 мандати а опозиція 71 мандат.

### Колера у Индіи.

У Индіи у покраїни Бенгалии появела ше велька колера. До-тераз ше похорело 90.000 осо-би а умарло 15.000 людзох.

### Конкордат зос Ру-мунію.

Румуньски министар про-свети Гилдис одпутовал до Ри-му, да потпише конкордат зос св. Столицу. И так Румунія, котра ма меней католикох як наша держава скорей придзе до конкордату од нас.

### Борба за председа-теля Америцких дер-жавох.

У Америки ведзе ше борба хто будзе председатель зеди-нених америцких державох Ка-толіци кандидуоу гувернера Смейта проци котрому ше дзви-

гли шицки други верисповида-нія. Вони гваря, же Смайт католик а католик ище не бул председатель Зос того видно як и у Америки кажди на сво-йо цага.

### Бувша царица Цита сце пойсц до Ма-длярскей

Бувша австрийска царица Цита одселела ше до варошу Луксенбургу и дума на вшелї-яки способ пойсц до Мадярскей. Тото помага и Италија. Вона би зос дзеци бивала на єдним дунавским острову при Пешту. Принц Ото би бул як звичайни приватни гражданин. Ческа ди-пломация виявлює, же би то значело обновленіє власци Хаб-сбурговцох, а то довольна при-чина да придзе до войны медзи Ческу и Мадярску.

### Три свитови на-прями.

Єден од водьох большевиц-кей Русї виявел познатоме ученякови Д' Ербиню слідующе: Медзи собу ше бора три вель-ки сили або лепше поведзено три имперіялизми: Наш москов-ски, комунистични матеріяли-стични, котри ше ослонел на Азию и на агитаторох цалого швета; Вец английски, котри єднак матеріялистички и капи-

брехуне (котри брешу, ци-ганя)? Котри сами ошалели.

Йона вше глібше и гліб-ше западовал до роздумо-ваня, док го не влапела горучка, котра го тримала досц длуго. Кед пришол гу себе, почал заш спокойно роздумовац, вец поволал до себе Йосифа и модлел ше му, же би приведол швед-кох воскресеня Иусового.

Вони пришли и окруже-ли му посцель. Були то прости рибаре, по їх тва-рох ше тераз розлівало надземске шветло; їх очи були преображени, а їх смирене справованє було полне достоинства. Ши-цки вони пришли до Йо-ни: Петро, котри видзел празни гроб, Тома, котри кладол пальци до ранох воскресшого, — Клеофа и Йоан, зос котрима Господь ишол до Емауса — шицки стали наоколо його, котри сумнівал, и гуторели по-

важно: „Справди Христос воскрес!“

Йона вецей не сумнівал. Вонкашня пременка тих людзох ясно му гуторела, же мушели дацо незвичайне прежиц. Вон видзел, же то муши буц правда, цо апо-столи гуторели. Подал ше волі Божей и не усудзовал ше вецей однімац, але шерцо його и далєй було хладне, през чувства, а ду-ша була суха як пустиня.

Барз засмуцени чул у себе, же му хибі зодну-кашней сили и шветла, ко-тре би пременело мертву виру на цепли живот. Каждираз, кед сцел пристац гу Христови, видзело ше му, же го оддзелює неви-дими мур, а не знал и му-чел ше, же як би тот мур зваліц.

— Далєй будзе. —



талистички, ослонел ше на Америку и на интернационални банки; на концу папински, котри идеални, духовни ослонети на Бога. Ми у Москви маме оружја и можеме ше борити против Лондона а, можеме го и фришко надвладац, але против Рима ише зме не нашли способу борби — вон наш найвекши непријатељ.

### Ягод и у нас.

Едни француски новини пишу слѣдујуче: Ест людзе котри каждого року купя себе шмати за 1000 франки, але за церкву дац 10 франки то им за вельо. Ест католикох, котри мешачно троша 600 до 1000 франки а гуторя, же не могу дац 10 франки за церкву. Ест гадох зос 300,000 фр. добра и поносую ше на руковину. Але ест и служницох, котрим од svojого

зарадку не чежко дац и 20 франки а таких не мало. Наисце Церква Христова стої на художних.

### Италија против нас.

Немецки новини зос Бейчу приношую висти, же Италија захтева од Австриї, да ей до шлебодзи, же би својо войско могла през ей жем послаца на Југославию, кед би у случаю пришло до войны.

### Революција у Греческеј.

У Атени одкрила полиција тайну организацию високих офисирох, котри мали у најскорше време дзвигнуц революцију, зруциц нешкайшого председателя републики и положиц Пангалоса, котри и скорей бул

## Зос наших валалох

### Р. Керестур.

Дня 25. априла умар ч. газда Янко Надъ у 70 р. свойого живота. Покойни охабя за собу 3 сонох и едну дзивку и вельо унучата. Двоме синове су у далекеј Америки, та не

могли присц випровадзиц свойого любимого оца, та им „Р. Новинки“ однешу смутну вистку, же не маю на тим швецѣ вецей свойого оца. — Най му Господъ подаруе вичну память, — а шицким дзедом родительски благослов.

### Зос Р. Н. П. Д.

За члена II. кл. ступел до Просвит. Друштва ч. Г. Дюра Новта зос Дюрдьова и уплацел суму 100 Дин.

Рус. Нар. Просвит. Дружество у Шиду даровало на Фонд Руских Новинох 200 Дин На многая!

## Допис

### НА ПАМЯТКУ НАШИМ ГОСЦОМ СЛОВАКОМ.

На дзень воскресения славели зме и воскресение идеї славянства.

Словаци пришли да возбужда у нас чувство гу нашим најблишим, гу тим, по чийх жилих брацке шерцо нашу крѣв розлѣва; возбуждали чувство, котре у нашим шерцу в шмерци длугих рокох нашого культурного робованя почало може буц вимерац.

Шицки славянски народи, котри зме були дарас една фамилия, жиеме розшато по швецѣ. Ише лѣм у најблиших днѣох прешлосци велька часц славянского рода були зме прости раби союзнейших народох. Зависц и медзисобна мержня отровела нам животни сили, но рабство було нам лѣк и любов брата гу братови будзе нам највекша сила у шицких наших слѣдујучих борбох за славянску будучносци, зато ю ховац, ю розвивац, ю усовершовац длужносц каждого Славяна.

Анї едну птицу не украшуетудже пирко, анї едну народносц не воздзвигне цудза култура. Западна безвирска култура, котрей ше ми тельо чудуеме, то култура человека, котри умера. И ми с крѣву умерающего человека не можеме ховац нашо дзеци. У кельо ми тоту културу применюеме у нашим живоце у тельо упропасуеме, скрацуеме живот нашого рода.

Зато ставайце Браца! Пребудце ше з вашого глѣбокого сна! Идея славянства гори пламеньом по швецѣ. Браца! Ставайце! Руцайце до того огня шицко, цо Вам цудзе у души, най гори цале зданиѣ, да ше на руинох возкрешне наш нови, наш славянски живот!

Зблѣжене двох брацких родох Словакох и Русиных, ми поздравляме з любовию полным шерцом.

Петровацкеј гимназиї с тим ми виражуеме нашо сердечне подзекване.

Керестурци.

## Читайце „Руски Новини“

За редакцију одвитуе: Юрий Павич, Војводе Бојовића 2.

Штампарија Изд. Друштва „Даничић“ Д. Д.

## Швѣточни отпочивок

### Евангелие на недз. Муроносицох

Гл. 15. ЗАЧ. 69.

Во время оно прїиде Иосифъ, иже отъ Арїмаѣея, благообразенъ совѣтникъ, иже и той бѣ чая царствїя Божїя: дерзнувъ вниде къ Пїлату, и вопроси тѣлесе Иисусова. Пїлатъ же дивися аще уже умре и призвавъ сотника, вопроси его аще уже умре. И увѣдѣвъ отъ сотника, даде тѣло Иосифови. И купивъ плащаницу, и снемъ его, обвитъ плащаницею, и положи его во гробъ, иже бѣ изсѣченъ отъ камене; и привали камень надъ двери гроба. Марїя же Магдалина и Марїя Іосїева зрястѣ, гдѣ его полагаху.

Безчислени сили и чудеса творел Иисус, як слухаме у св. евангелиї, а шицко прето, да увери швет о своім божанским посланю; да го людзе признаю веря, як свойого Месию — Спасителя, Сина Божого. — Хтори го людзе по при шицких тих вельких чудесох не сцу вериц — робя вельки грїх невірства. Невірство є начало духовного зла. Велька в злоба невірства у тим, же кажди человек може легко спознац, же ест Бог, же христова вира права, бо му Бог, отвори пред очи три кнїшки, цо глаша Бога и толкую закон божи; природу евангелию и совисц — а вон по при шицким тим не сцу вериц; заруцуе закон божи на себе и таї Бога и Христа. Як мали дзеци кед закрию очи з руку та гваря: „нет ме“ так и безвирни дума, же вон не сцу знац о Богу, да же го такой нет.

О, яка велька кривда невірника! Вельку кривду зробел Иисусови Юда Искариотски, но вельо векшу кривду роби Богу тот, цо одруци од себе виру и закон божи.

Нет теј ваги да вимера грїх невірства.

Невірство в проклятво як за поединого человека, так за цале дружтво человическе, бо забра од человека жридољо радосци, потїхи и задовољства. Невірство не сцу признац, же ест добри и силни Отец небесни над нами, хтори праведни бригуе и стара ше за нас; же Иисус за нас заплацел длуство Богу, и ми добиваме у покаянїю отпушениє за шицки и највекши грїхи нашо же нас чека вични живот на другим швецѣ; невірство не зна за радосци молигви, примане св. тайнох, за Служби божей, швета, процесїи и т. д. — Шерцо невірника в пусте, хладне, празне полне вшелїякеј горкосци. Воно мучи человека. През нього пребию зарї божи, и волаю гришника на покаянє — и то го мучи.

Президент едного кантона у Швайцарскеј — привед свойо

дзивче до школи гу монахиньом и гварел. „Ту го сѣем дац воспитац, да будзе щешлївше, як його оец, хтори страцел виру божу“.

А дзе є кара на другим швецѣ?! „Иже вири не имет, осужден будет“ — гвари Иисус (Марко 16 16.)

Стрежме даклем над свою виру, як над највекшим благом нашим.

Мих. Мудри.

## Нашо претплатнїци

На 1927. рок обновили претплату слѣдујучи п. п. Янко Кишпетъ Р. Керестур, 50 дин. Лука Тамаш Коцур, 125 дин. Дюра Хромиш Коцур, качмар 100 д. Дюра Малацко Р. Кер. 100 дин. Симон Виславски Дюрдьов, 25 дин. Дюра Копчански Дюрдьов, 50 дин. Ката Папуга Дюрдьов, 100 дин. Михал Шандор Коцур, 100 дин. Дюра Новта Дюрдьов, 27.50 дин.

## БЕРЗА

|                                       |                   |
|---------------------------------------|-------------------|
| Берлин 1 злата марка                  | 13.46 д.          |
| Будим. 1 пенги (pengő)                | 9.95 „            |
| Италија 100 лира                      | 260.— „           |
| Букарест 100 лей                      | 35.— „            |
| Лондон 1 фунд. штер.                  | 278.99 „          |
| Нью-Йорк 1 долар                      | 56.58 „           |
| Париз 100 франки                      | 224.70 „          |
| Праг 100 Чес. кр.                     | 269.— „           |
| Акциї З. К. Б. Д. Д.                  | 325 „             |
| Швайцарска 1 франк                    | 10.97 „           |
| Виден 1 шилинг                        | 8.— „             |
| Наполендор 1 ком.                     | 190.— „           |
| 20 златних корун                      | 190.— „           |
| 10 „                                  | 95.— „            |
| Сеферин                               | 400.— „           |
| Дукат                                 | 100.— „           |
| 1 круна у сребру                      | 3.— „             |
| 5 „                                   | 15.— „            |
| 1 форинт „                            | 6.— „             |
| 7% держав. пожичка за 100 динара ном. | 86.— дин. 2 1/2 % |
| ратна штета за 1000. дин. ном         | 342.— дин.        |

За злато и за вредносни папире плацаю банки потполни курс, а за валути о даскельо повна меней.

## Тарговина

|                   |             |
|-------------------|-------------|
| Жито              | 310.— Д     |
| Кукурица          | 163.— „     |
| Хмель             | 10—11.000 „ |
| Мука нулерова     | 426.— „     |
| „ хлебова         | 420.— „     |
| Млеко литра       | 3—4.— „     |
| Качки             | 35—60.— „   |
| Гуски клюкани кг. | 65—90.— „   |
| Говедзина         | 16—20.— „   |
| Швиньске месо     | 20—22.— „   |
| Целечина          | 28—30.— „   |
| Сланїна сушена    | 22—25.— „   |

Властитель: Рус. Нар. Просв. Дружество Рус. Крестур (М. Мудри).

Андре Плавшић Дунавска улица број 36.